



Broj: 04-40-1-280/24
Sarajevo, 07.10.2024. godine

Na osnovu dobivenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organiziranju i funkcioniranju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ
za period od 08:30 sati 06.10.2024. do 08:30 sati 07.10.2024. godine

Štab civilne zaštite Kantona Sarajevo (u daljnjem tekstu: Štab) je u skladu sa Odlukom Vlade Federacije Bosne i Hercegovine o proglašenju stanja prirodne nesreće uzrokovane poplavama i klizištima na području Federacije BiH, broj: 1520/2024 od 04.10.2024. godine i Naredbom Federalnog štaba civilne zaštite, broj: 12-04-3-432/24 od 04.10.2024. godine, u toku prethodnog dana na ublažavanju i otklanjanju posljedica od poplava i klizišta na pogođenim područjima angažovao slijedeće strukture zaštite i spašavanja Kantona Sarajevo:

- na pogođenim područjima općina Jablanica i Kreševo i Grada Konjica, direktor Kantonalne uprave civilne zaštite Kantona Sarajevo, pomoćnik direktora za mjere zaštite i spašavanja i tri državna službenika, te komandant Profesionalne vatrogasne jedinice i komandir iz Profesionalne vatrogasne jedinice;
- na području Općine Jablanica, naselje Donja Jablanica, službe zaštite i spašavanja Kantona Sarajevo sa teškom mehanizacijom (per bagera rovokopača i dva velika kamiona) sa posadama;
- na području Grada Konjica, sela Matići i Čivelj službe zaštite i spašavanja Kantona Sarajevo sa jednom radnom mašinom pauk bagerom sa posadom;
- na području Grada Konjica, selo Grabovci službe zaštite i spašavanja Kantona Sarajevo sa jednom radnom mašinom, pauk bagerom sa posadom;
- na području Općine Kreševo u mjestu Gunjani, KJKP Rad d.o.o. Sarajevo sa tri radne mašine (SKIP, bager rovokopač i kamion) i labudica sa posadom na sanaciji putne komunikacije;
- na području Općine Kreševo, selo Dreževice, služba zaštite i spašavanja Općine Ilidža sa dvije radne mašine (SKIP i labudica) sa posadom (4 pripadnika) na sanaciji putne komunikacije;
- na području Općine Kreševo, selo Crnici, služba zaštite i spašavanja Općine Hadžići sa jednom radnom mašinom (SKIP) sa posadom na sanaciji putne komunikacije;

- dvije ekipe JU Zavod za hitnu medicinsku pomoć Kantona Sarajevo, jedna u Jablanici, a druga u Konjicu na pružanju medicinske pomoći stanovništvu.

U izvještajnom periodu Kantonalni operativni centar civilne zaštite zaprimio je jednu informaciju o pronalasku NUS-a i to dana, 06.10.2024. godine u 10:46 sati od Policijske stanice Centar, da je u ulici Bjelave br. 82., pronađen jedan NUS.

O primljenoj informaciji obaviješteni su pripadnici Tima za UES Federalne uprave civilne zaštite, koji će navedena neeksplozivna ubojna sredstva ukloniti u narednom periodu.

Kantonalna uprava civilne zaštite Kantona Sarajevo: Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su šest manjih intervencija: dvije na gašenje zapaljenog smeća na otvorenom prostoru, jednu na gašenje zapaljenog dimnjaka, jednu na gašenju zapaljenog električnog brojila u zgradi i dva obezbjeđenja na Međunarodnom aerodromu Sarajevo.

Iz općinskih operativnih centara civilne zaštite s područja Kantona Sarajevo, kao i od drugih davalaca informacija nisu dobivene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

Elektro distribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetskih postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodopsnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu na mjernoj stanici Bjelave je iznosila 6°C, vlažnost zraka 100%, barometarski pritisak 942,5 hPa.

BIHAMK: Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d. i JP Željeznice Federacije BiH**, gradski, međugradski i željeznički saobraćaj se odvijaju po redu vožnje.

PO OVLAŠTENJU DIREKTORA
ŠEF CENTRA

Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu Štaba CZ Kantona Sarajevo
- Federalnom operativnom centru civilne zaštite
- a/a